



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Virtus infracta in periculis.

[urn:nbn:de:hbz:466:1-68709](#)

jam effrenis, altius in æthera se librans, inter sidera est constitutus; quem ubi vidit Aurora, eum impetravit à Jove, ut ab illo vecta quotidianum conficeret cursum.

Ethica.

I. (a) Dedit Bellerophon locum adagio: Βελλερόφοντος τὰ γράμματα, *Bellerophontis litteræ*; nempe commendatitiae, ferenti perniciosæ, quas vulgo litteras *Vria* vocant. Nam cum eximia tam formæ, quam castimoniae juvenem *Stenobæa Præti Argivorum regis uxor* deperiret, & nequicquam ad flagitium invitaret, dolore repulsa, (ut in Sacra historia de *Josepho* legitur) indignata, adolescentem, quamvis innocentem viro accusavit tanquam insidiatorem castitatis suæ. Quem cum rex jure hospitij permotus nollet interficere, cum litteris eum ad *Jobatem*, Sacerum misit, quibus occidendi Bellerophontis negotium illi dabat. Jobates cum suo scelere, tum alieno imperio impulsus, aggreditur adolescentem (ut minimè suspicax est innocentia) honesto titulo perimere. Est enim ferè malorum hic Principum mos, pallium sceleri quærire, quod Saul cum Davide, & hic eum *Vria* fecit. Igitur adolescentis inflamat animum, suapte sponte ferocem ad periclitandas vires, gloriamque parandam: eique persuadet, ut cum Chimæra congrediatur, monstro, ut dixi, triformali, & omni circùm regioni terrorem incutienti. Hanc Bellerophontes, equo insidens alato, telo confixit, confecitque. Post alijs atque alijs periculis objectit juvenem Jobates, ex omnibus victorem redeuntem cum videret, admiratus ejus fortitudinem, & ex eventu conjectans innocentiam, litteras *Præti* ostendit, malitiosè ac perfidè scriptas; atque tantum potuit estimatio virtutis, ut filiam, quam habebat unicam, egregiæ formæ ac pudicitiae puellam, ei desponderet, generum adscisceret, & regni post se successorem. Adeò virtus fluctuare quidem potest, mergi non potest; sicut palma; *pressa resurgit*; Interrita est in periculis, infracta malis, invicta adversis, calamitatibus inexpugnabilis; ad laborem impigra, ad pericula fortis, ad consilia prudens, ad casum fortunamque felix. Virtuti vires ab hoste crescunt.

Duris ut ilex tonsa bipennibus
Nigræ feracis frondis in Algido
Per damna, per cædes ab ipso
Dicit opes, animumque ferre.

Q. 3

Gratior

(a) *Virtus infraicta in periculis.*

Gratior est ei victoria sanguine parta; neque nescit majora periculis esse præmia; atque ut hæc desint, sua laude contenta, ipsa sibi sufficit. Verum est illud

Serpens, sitis, ardor, arenæ

Dulcia virtuti. Gaudet patientia duris.

Lætius est, quoties magno sibi constat honestum.

Huc facit & illud alterius Poëtæ:

Quamlibet è medijs consurgunt lilia spinis;

Sic virtus ipsis crescit, ovatque malis.

Cujus rei luculentum documentum Bellerophontes extitit, cui innocentia fiduciam, fiducia fortitudinem, fortitudo felicitatem peperit. Initium ei victoriæ Sthenobæa fuit, hoc est, mulier in omne flagitium parata; quam ubi superavit, potuit cum Chimæra depugnare: dubites, utra palma fuerit difficilior, utra clarior: nam mulier lasciva, opibus ac potentia subnixa etsi blandior sit aspectu; est tamen ferocior insultu, nisi cedas volenti. Bellerophontis imagini symbolice subscribas: *Vis & Virtus.*

II. (b) Quid est, quod *Pegasus*, ingenij ac eruditionis symbolum, ex horrido Medusæ capite, tæbe fluente, ortum duxisse feratur? Difficilia sunt nimirum, artium omnium, præcipue ingenuarum, initia, & horrorem incipientibus afferentia. Hoc videmus in puerulis prima litterarum Rudimenta ausplicantibus; quot nominum inflexiones, verborum conjugationes, generum discrimina sunt addiscenda, tot istis videntur Medusea capita horrendo obtutu occurrentia. Deinde Pegasus ungulâ percussit terram, & fontem produxit Castalium, Musis consecratum; ut intelligas, pulsu & percussu, hoc est, labore ac contentione bonas extundi artes; meritóque Sapientia ac doctrina fonti comparatur à Salomone Prov. 18. *Aqua profunda, verba ex ore viri: & torrens redundans, fons sapientie.* Et Siracides c. 21. *Scientia sapientis tanquam inundatio abundabit, & consilium illius, sicut fons vita permanet.* Ubi notandum, quod fons suam concham primo impleat, deinde exundantem aquam diffundat, & cum alijs communicet: Sic & Sapiens primo mentem suam, deinde aliorum sapientiæ imbuit, juxta illud S. Bernardi: *Ductor sit concha, non canalis, qui nihil aquæ retinet, sed totum, quod recipit, effundit.* Evidem sicut aqua terram, plantas, animalia, homines sientes irrigat, saturat, inebriat, vivificat, lætitificat, fecundat; ita Sapientia mentem pulcherrimarum rerum cognitione ditat,

(b) *Pegasus imago Sapientie.*